



CONCELLO DE REDONDELA



REXISTRO ENTRADA

2017-E-RC-547

12/01/2017 12:18

**Convenio de adhesión
REDE GALEGA DE TEATROS E AUDITORIOS 2017**

SAÍDA 59 / RX 28168

Data: 09/01/2017 13:23:54



Santiago de Compostela, 2 de xaneiro de 2017

REUNIDOS

Dunha banda, **Jacobo Sutil Nesta**, na súa calidade de director da Axencia Galega das Industrias Culturais (no sucesivo AGADIC), con C.I.F: Q-6550009-B e enderezo Cidade da Cultura, Monte Gaiás s/n 15707 de Santiago de Compostela, no exercicio das facultades e demais funcións que lle foron conferidas por razón do seu cargo pola Lei 4/2008 do 23 de maio, de creación da Axencia Galega das Industrias Culturais, e o Decreto 150/2012, de 12 de xullo, polo que se aproba o Estatuto da Axencia Galega das Industrias Culturais. (Por delegación, en virtude da Resolución do 24 de xullo de 2012, do presidente do Consello Reitor da Axencia Galega das Industrias Culturais, de delegación de competencias na persoa titular da Dirección da Agadic, publicado no Diario Oficial de Galicia o 29 de agosto de 2012).

E doutra banda, **Javier Bas Corugeira** con NIF 36050839H, en calidade de representante legal e responsable de programación da entidade Multiúso da Xunqueira con domicilio para estes efectos na R/ Alfonso XII, nº 2, Redondela CP: 36800 e con CIF P-3604500/C titular do teatro/auditório Multiúso da Xunqueira.

Ambas as partes recoñécense mutuamente a capacidade xurídico-legal suficiente para obrigarse, na representación que ostentan, e a tal fin formalizan por medio deste documento un Convenio de adhesión para a súa colaboración mutua.

Dito documento enmárcase na programación específica denominada **Rede Galega de Teatros e Auditorios** (no sucesivo, RGTA), polo que de común acordo subsciben as seguintes:

CLÁUSULAS

PRIMEIRA.- O obxecto do presente convenio de adhesión, de conformidade coa proposta de programación presentada pola entidade Multiúso da Xunqueira é a realización do programa de actuacións para o semestre de referencia, que se deberá desenvolver no teatro ou auditório Multiúso da Xunqueira e que de seguido pasa a detallarse, coas condicións especificadas posteriormente (todo isto segundo o establecido na Resolución do 21 de novembro de 2006 pola que se regula a estrutura, a organización e o funcionamento da Rede Galega de Teatros e Auditorios, así como na Resolución do 28 de febreiro de 2011 e publicada no DOG num. 70 do 8 abril de 2011, pola que se establecen as normas de funcionamiento das programacións incluídas na Rede Galega de Teatros e Auditorios).

PR	DATA	HORA	COMPAÑIA	ESPECTÁCULO	LUGAR	AGADIC	ESPAZO
PA	11-02-2017	20:00	Malasombra Produções	D.E.P. (Descansa en paz)	Auditóneo da Xunqueira en Redondela	1.455,00 €	1.455,00 €
PA	26-03-2017	19:00	Avento Produções Teatrais	Como sobrevivir a un apocalipse Zombi	Auditóneo da Xunqueira (Redondela)	900,00 €	900,00 €
PI	02-04-2017	18:00	Redum Producciones	A Nena Que Quería Navegar	Auditorio da Xunqueira (Redondela)	1.089,00 €	1.089,00 €
PI	23-04-2017	19:00	Expresión Produções	Ostimpá limpia	Auditorio da Xunqueira (Redondela)	625,00 €	625,00 €
					Total	4.059,00 €	4.059,00 €

(* Cantidades con impuestos engadidos)

SEGUNDA.- A contratación efectiva de cada grupo, compañía ou persoa, consonte a programación e coa contraprestación económica recollida na táboa superior, será competencia da AGADIC e da entidade Multiúso da Xunqueira, de conformidade cos respectivos importes consignados nas columnas e as cantidades totais consignadas na parte inferior. Existe o crédito adecuado e suficiente previsto para atender as obrigas económicas que se derivan da contratación, con cargo á aplicación orzamentaria 10 A1 432B 6401 do proxeecto de orzamentos da Axencia Galega das Industrias Culturais para o ano 2017. Os contratos tramitaranse como anticipados de gasto, e quedarán condicionados á aprobación da Lei de orzamentos da Comunidade Autónoma, e sempre que exista crédito adecuado e suficiente para atender as obrigas derivadas da contratación.

TERCEIRA.- A entidade Multiúso da Xunqueira comprométense ao abastecemento das contías estipuladas para cada actuación, así como á achega da infraestrutura necesaria para o desenvolvemento efectivo de cada actividade contratada (luz, son, persoal de carga e descarga,...), conforme co establecido no ríder técnico presentado polas compañías xunto coa sua proposta de participación na programación da Rede Galega de Teatros e Auditorios. Para poder levar a efecto estes compromisos, a entidade Multiúso da Xunqueira deberá reunir todas as condicións técnicas necesarias para a celebración satisfactoria da actividade ou actividades previamente programadas, consonte coa Resolución do 21 de novembro de 2006 pola que se regula a

galicia

Code: Validación: 7WGRM19RKGUAGCGSMWHR9H4 | Corrector: <http://redondela.sedelectronica.es/> | Fixura: 4.0.6
Documento assinado electrónicamente deseñado para plataforma e-Seléctica | Fixura: 4.0.6



estrutura, a organización e o funcionamento da Rede Galega de Teatros e Auditorios, así como coa Resolución do 28 de febreiro de 2011 e publicada no DOG núm. 70 do 8 abril de 2011, pola que se establecen as normas de funcionamento das programacións incluídas na Rede Galega de Teatros e Auditorios.

CUARTA.- Os gastos derivados da organización puntual de cada actividade, da coordinación e xestión do ciclo de representacións/actuacións no que estea inscrito, así como os gastos de difusión gráfica e oral, e o pagamento dos dereitos de autor á entidade xestora dos mesmos corresponderán á entidade Multiúso da Xunqueira

En ningún caso a AGADIC adquire, coa sinatura deste documento, ningún tipo de relación laboral nin coa entidade Multiúso da Xunqueira nin co persoal que se atope ao seu servizo, sendo por conta desta o cumprimento de calquera obriga fiscal, así como das disposicións vixentes en materia laboral, de Seguridade Social e de saúde e hixiene no traballo. Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real Decreto-lexislativo 1/1996 do 12 de abril, polo que se aproba o Texto Refundido da Lei de Propiedade Intelectual.

QUINTA.- Nas actividades derivadas do obxecto do convenio, tanto nos actos públicos coma no material de difusión que se realice, as partes comprométense a facer mención expresa da mutua colaboración.

A entidade comprométense a utilizar en todo o material de difusión que realice ao abeiro deste convenio a imaxe corporativa da Agadic e da Xunta de Galicia. Así como o logotipo da Rede Galega de Teatros, segundo as normas respectivas en materia de identidade corporativa, así como aqueles logotipos que estean en vigor no momento da sinatura deste convenio. Da mesma maneira, nos actos de comunicación pública levados a cabo débese facer constar expresamente a colaboración da Agadic (Consellería de Cultura, Educación e Ordenación Universitaria da Xunta de Galicia) no desenvolvemento das actividades conveniadas.

SEXTA.- A AGADIC comprométense ao pagamento das cantidades estipuladas para cada actuación, para o que sera necesaria a presentación por parte da compañía do certificado da realización da función, asinado e selado pola entidade e polo representante da compañía, modelo colgado na páxina de xestión: www.galescena.info, e que lle será facilitado pola entidade Multiúso da Xunqueira á compañía unha vez esta conclúa a actividade. A entidade Multiúso da Xunqueira remitirá a información sobre públicos e facturación en formato electrónico a través da páxina www.galescena.info, nun prazo non superior aos cinco días hábiles seguintes á celebración de cada actuación.

SÉTIMA.- As partes asinantes deberán cumplir cas obrigas derivadas da entrada en vigor da Lei 1/2006, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Gobierno Aberto da Xunta de Galicia incluíndo os datos identificativos das persoas asinantes.

Así mesmo entidade acepta e consiente a remisión do convenio, logo da sua sinatura, ao Rexistrio da Xunta de Galicia.

OITAVA.- O incumprimento do estipulado no presente convenio, en particular no referente ás alteracións unilaterais do calendario de actuacións, dos horarios de celebración, dos espazos escénicos nos que se desenvolve o espectáculo, do aboamento efectivo das cantidades consignadas no cadre de programación, do establecido en relación cos prezos mínimos ou das obrigas de entrega das certificacións da realización das funcións e da remisión electrónica da información sobre públicos e facturación serán motivos de resolución inmediata do mesmo, con independencia das indemnizacións que por danos e perdas lle correspondan.

NOVENA.- Non se programará ningunha actividade do Circuito con motivo de ou so pretexto doutra actividade de calquera tipo (premios, cursos, concursos, encontros, festivais, ...) na cal se poida intercalar ou incluir, sen o consentimento explícito e por escrito da AGADIC, co fin de non desprazar o obxectivo de acrecentar e fomentar programacións estables nos concellos e entidades xestoras de espazos escénicos, ou de atrasar ou menoscabar o traballo dos actuantes do Circuito, ou de crear confusión entre as institucións asinantes deste convenio e aquelas institucións ou entidades que participen na/s actividade/s mencionada/s anteriormente.

DECIMA.- En todas aquellas funcións das compañías adscritas a RGTA que se realicen no recinto indicado, ofreceranse invitacións de protocolo á AGADIC nun número proporcional ao número de asentos da sala, teatro ou espacio escénico onde se represente o espectáculo ou espectáculos programados, e sen que en ningún caso poida ser inferior a CINCO nin superior ao 5% do aforo da mesma.

DECIMA PRIMEIRA.- Este convenio quedará sen efecto e anulado, e non dará dereito a reclamación ou indemnización de ningún tipo no caso de incumprimento polas causas de forza maior establecidas legalmente. Para estes efectos, consideraranse como casos fortuitos ou de forza maior os seguintes: catástrofes naturais, incendios, actos vandálicos e de terrorismo que afecten ao normal desenvolvemento do espectáculo, folgas, loito nacional e avarias que afecten ao servizo ou suministración eléctrica.

DÉCIMO PRIMEIRA.- No prazo máximo de seis meses a partir da finalización das actividades a que se contrae este convenio, a entidade Multiúso da Xunqueira deberá ter liquidadas e satisfeitas en todo caso as obrigas que tivera pendentes en calquera dos ciclos integrantes da RGTA coas compañías participantes, ate o segundo semestre do exercicio anual inmediatamente anterior. O incumprimento deste requisito poderá ser causa suficiente para a baixa e exclusión directa do Circuito da Rede Galega de Teatros e Auditorios.





Se transcorrido o primeiro semestre do novo ano a entidade non aboara calquera dos pagamentos comprometidos ate o segundo semestre do ano anterior, a AGADIC poderá cancelar as actuacións previstas por este membro para o segundo semestre do novo ano, sen que isto exima a entidade Multiúso da Xunqueira do aboamento das actuacións realizadas no primeiro semestre, no suposto de que se levaran a efecto.

DÉCIMO SEGUNDA.- Para os efectos de velar pola boa marcha e cumprimento do estipulado neste convenio, e segundo o previsto no artigo 6.3 da Lei 30/1992, de réxime xurídico das administracións públicas e do procedemento administrativo común, o Comité Técnico establecido na Resolución do 21 de novembro de 2006 pola que se regula a estrutura, a organización e o funcionamento da Rede Galega de Teatros e Auditorios asume as funcións da comisión mixta de coordinación e seguimento das actuacións llevadas a cabo para a consecución dos obxectivos fixados no presente documento. En consecuencia, as cuestións xurdidas sobre a súa interpretación, modificación, resolución e efectos serán resoltas, en primeira instancia, polo citado Comité.

DÉCIMO TERCEIRA.- O incumprimento das cláusulas deste convenio por calquera das partes poderá dar lugar a sua denuncia. As posibles controversias ou discrepancias na aplicación e/ou interpretación deste convenio resolveranse por diálogo directo entre as partes, ou ben polo Comité citado na estipulación 11º; e, en caso de persistir estas e de non chegar a un acordo, as partes someterán as cuestións litixiosas que se poidan derivar na súa interpretación, desenvolvemento e execución ao coñecemento dos xulgados e tribunais da orde xurisdiccional contencioso-administrativa, no prazo de dous meses a partir do día seguinte ao que surda a cuestión litixiosa.

E en proba de conformidade co anteriormente exposto, esténdese o presente documento, por duplicado exemplar, que é asinado polas partes no lugar e data indicados no encabezamento, quedando cun exemplar cada unha delas.

O Director de AGADIC		O/A representante da entidade
Jacobo Suárez Nesta		Javier Bas Condeira

(P.D. do Presidente do Consello Reitor da Agadic, DOG 29/8/2012)

galicia